

primitur. In hac nobis pignus et arrha proponitur A misericorditer præparare et præstare dignetur, illius beatissimæ visionis, in qua est dies sine nocte, qui cum Patre et Spiritu sancto regnat et dominatur sine labore requies et gloria sine fine, quam nobis Deus, per omnia sæcula sæculorum. Amen.

DE CONVERSIONE S. PAULI.

Recolenda est cum exultatione beati Pauli conversionis, fratres charissimi. Si enim gaudium est angelis Dei super uno peccatore paenitentiam agente¹, et nos ei propensiore letitia congratulari oportet in quo habemus doctrinæ speculum, paenitentiae formam, conversionis et conversationis exemplum: qui cum esset vas blasphemie, vas contumelie et iræ, factus est vas honoris, vas electionis et gratiæ. *Blasphemus*, inquit, *sui, sed misericordiam consecutus sum*². De lupo enim factus est agnus, de inimico domesticus, de persecutore filius, de tortore doctor, de perversore discipulus, de impugnatore defensor, de infidelissimo sanctissimus fidei predicator. Vere magna et inenarrabilia sunt opera Dei³, et miserationes ejus super omnia opera ejus⁴. Saulus enim adhuc spirans minarum et cædis in discipulos Domini, a Christo in discipulum adoptatur⁵, et qui ad subversionem Ecclesiæ effrenata crudelitate spiritus anhelabat, firmissima Ecclesiæ columnna stabilitur. Pater namque misericordiarum flagellat omnem filium quem C recipit⁶. Saulum flagellat, ut eum recipiat, excaecat ut illuminet, prostravit ut erigat, affligit ut sanet, debilitat ut confirmet. Saulus siquidem litteras crudelissimæ legationis acceperat, ut si quos inveniret hujus viæ viros ac mulieres, perderet in Hierusalem. Verumtamen justus judex, qui humiliat omnem altitudinem extollentem se adversus scientiam Dei, qui non permittit suos tentari ultra id quod possunt, sed facit etiam cum tentatione proventum, ut possint sustinere⁷, judicabit promansuetis terræ⁸ et salvos faciet p. v. ca.

Cum ergo iter saceret Saulus, contigit ut appropinquaret Damasco, et subito circumfusit eum lux de cœlo⁹. Lux enim circumfulget exterius, ei qui interioribus ignorantie tenebris obducebatur. Et cadens in terram vocem audivit¹⁰, quam dum in via peccatorum staret, audire non meruit. Non sufficit lux ad fidem et ideo auditus vocis adjungitur:

PETRI DE GUSSANVILLA NOTÆ.

(13) « Idem factum semel atque iterum narrat Innocentius papa III, nostri Blesensis sere æqualis, in sermonibus suis. Deinde B. Gregorius in iv psal- tum paenitent. Hesychius De excidio Hierosol., libro iii. S. Ambrosius in Auxentium, de tradendis

Fides enim ex auditu; auditus autem per verbum Dei¹. Saule, Saule, quid me persequeris? Qui in Evangelio ait: Quandiu uni ex minimis meis fecisti, mihi fecisti², injuriam suorum reputat. Nec in his verbis se morti aut persecutioni fateur obnoxium, cum sit immortalis et impassibilis, sed exprimitur affectio charitatis eiga discipulos, quos cum prius dilexisset, in finem dilexit eos. Idem confirmatur Petri facto, qui cum Roma fugiens Salvatorem sibi occurrentem interrogasset: « Domine, quo vadis? » audivit: « Vado Romanum iterum crucisfigi (13). » Ubi exprimitur Christum quodammodo in eo crucisfigendum, quem sibi adoptavit in membrum. Membris itaque suis compatiens Saulo in discipulos ejus debacchanti Christus irascitur; sed quia semper proprium habet misereri et parcere, iratus misericordiae recordatur³. Unde et eum furiosum quasi retinet, ne in æternæ mortis præcipitum devolvatur, et recalcitrantem contra stimulum cohabet, ne pungatur.

Durum est, inquit, tibi contra stimulum calcitrare. Et ille: Quis es, Domine? Ego, inquit, sum Jesus Nazarenus quem tu persequeris⁴. Poterat expressisse quis esset, majestaticis et terribilibus verbis, ut diceret: Ego sum Deus ultimum Dominus⁵, qui respicio terram, et facio eam tremere: tango montes et sumigant⁶; sed cum levitate respondet, ut excitet ad spem et invitet ad fidem: Domine, subdit Saulus, quid me vis facere⁷? Ad vocem divinæ animadversionis in persecutore humiliatur elatio, decrudescit in Saulo severitas, et effrenata rabies mansuescit in gratiam: suiciditur oleaster, ut oliva fructifera plantetur in domo Domini, lupus mutatur in ovem, rhamnus in item, herodius in columbam, sicarius in apostolum, blasphemus in sanctum, Saulus in Paulum; qui in Saulo mutat vitam, mutat et nomen, Juxta verbum Isaiae⁸: Et vocabit servos suos nomine alio. Vera conversio et mutatio hæc dexteræ Excelsti est⁹. In

basilicis. S. Athanasius in libro De fuga sua. Linus in Histor. de morte apostolorum Petri et Pauli. Lege Onuphrium Panvinium De septem Urbis ecclesiis, et Casarem Baron. tom. I Annal. Eccles.

¹ Luc. 43. ² I Tim. 1. ³ Psal. 410. ⁴ Psal. 144. ⁵ Act. 9. ⁶ Hebr. 12. ⁷ I Cor. 10. ⁸ Isa. 11. ⁹ Act. 9. ¹⁰ Ibid. ¹¹ Rom. 10; Act. 9. ¹² Matth. 25. ¹³ Hab. 3. ¹⁴ Act. 9. ¹⁵ Psal. 93. ¹⁶ Psal. 103. ¹⁷ Act. 9. ¹⁸ Cap. 65. ¹⁹ Psal. 76.

dextra Excelsi duo sunt, potestas et misericordia, sicut scriptum est: *Duo haec audivi, quia potestas Dei est, et tibi, Domine, misericordia*¹⁰. Saulum potestas humiliat, misericordia levat; perversum potestas corripit et convertit, conversum misericordia consolatur, et erigit: potestas timorem inducit et tremorem, misericordia consolationem exhibet et exultationem, ut Saulus pariter cum Prophetā lætetur et timeat, et dicat ad Dominum: *Lætetur cor meum, ut timeat nomen tuum*¹¹. Sunt plerique qui, cum a Domino corripiuntur, more Pharaonis in sua pertinacia se obdurant et ad emendationem pia disciplinæ flagella non sentiunt. De talibus conqueritur Dominus per Jeremiam dicens: *Interfeci et disperdidì populum meum, et tamē a viis suis non sunt reversi*¹². Et alibi: *Curavimus Babylonem, et non est sanata*¹³. Porro Saulus memoriter recolebat verbum Sapientiæ, quæ dicit: *Esto consentiens adversario tuo, dum es cum illo in ria, ne forte tradat te judici, et judex tortori*¹⁴, ideoque paternæ animadversionis virga correptus ad obedientiam humiliter se exponit, et quasi satisfactioni se offerens voluntatem flagellantis inquirit: *Domine, quid me sis facere? Surge, inquit, et ingredere cœritatem, et ibi diceatur tibi, quid te oporteat facere*¹⁵. In via prostratus, in civitatem mittitur instruendus; vult enim benignissimus iustitiae et misericordiae magister, ut blande et sozialiter doceatur ab homine, quem sciebat divina vocis tonitu sustinere non posse. Sic inter Deum et populum Israel Moyses loquebatur. Dicebant enim: *Loquere tu nobis, ne loquatur ad nos Dominus, et moriamur*¹⁶. Surrexit autem Saulus de terra, aperiisque oculis nihil videbat¹⁷. Circumfulserat eum lux de cœlo, sed nondum ad plenum lux illa ei assulserat, quæ illuminat omnem hominem venientem in hunc mundum¹⁸. Ad manus illum trahentes introduxerant Damacum¹⁹. Ad manus exterius trahebatur, quem Dominus a spuria bujus vitæ trahebat interius, ut curreret in odorem unguentorum sūorum²⁰; nisi enim traheretur, non poterat ad eum venire, qui dicit: *Nemo venit ad me, nisi Pater meus traxerit eum*²¹. O benignissima retributio Salvatoris; a Christo trahitur in vitam, qui Christi discipulos trahebat in mortem. Firmissimum spei et fiduciae fondamentum nobis erexerat, confessio latronis in cruce, poenitentia peccataricis Magdalena, devozione publicani, supplicatio Chananæ, lacrymæ Petri, sed cumulatius et plenius exuberantiam divinæ miserationis attollit Sauli conversio, quæ sic omnino vitam persecutoris mutat, ut postea non se in se, sed Christum vivere in se protestetur. Vivo,

A inquit, ego, jam non ego; vivit vero in me Christus²². Et erat ibi tribus diebus non videns, et non manducavit, neque bibit²³. Tribus diebus non vidit, cui parabatur lumen ad revelationem gentium²⁴. Triduo non comedit, cui parabatur panis vitæ, et refectio angelorum.

B Erat autem quidam discipulus Damasci, nomine Ananias, et dixit ad illum in visu Dominus: Anania. At ille ait: Ecce ego, Domine. Et Dominus ad eum: Surge et vade in vicum²⁵, etc. Vadit ad Saulum, ut cæcum illuminet, ut vincum solvat, ut reducat erroneum, ut reconciliet reum, ut consoletur afflictum, ut in fide confirmet infirmum, ut jejunum reficiat, ut baptismo mundet inmundum. Porro Ananias secreto se abdebat, timens a facie persequentis. Erat enim olla succensa ab aquilone, sed nihilominus erat virga vigilans²⁶, virga ferrea et confringens vas sigilli²⁷, ut de luto indurato vas aureum conflaretur.

C D Respondit autem Ananias: Domine, audivi a multis de viro hoc quanta mala fecerit sanctis tuis in Jerusalem, etc. Dixit autem ad eum Dominus: Vade, quoniam vas electionis est mihi iste, ut portet nomen meum coram gentibus et regibus et filiis Israel. Ego enim ostendam illi quanta oporteat eum pro nomine meo pati²⁸. Testimonia tua, Domine, credibilia facta sunt nimis²⁹. Frequenter enim recenset Ecclesia pressuras Apostoli, qualiter diutissime fuerit in laboribus plurimis, in plagis supra modum, in mortibus frequenter, a Judæis quinques quadragenas una minus accepérat, ter virgis cæsus sit³⁰, etc. His et aliis modis in arena hujus mundi pugnans trium phum suum consummavit gladio suo, et sanguinem suum in nomine Jesu Christi Deo Patri sacrificium obtulit vesperinum. Illic est Benjamin adolescentulus in mentis excessu. Hic est Benjamin lupus rapax, mane comedens prædam, et vespere dividens spolia³¹. Saulus ideo per Benjamin specialiter designatur, quia de tribu Benjamin duxit originem³², sicut de se ipso perhibet dicens in Epistola ad Romanos³³: Et ego, inquit, Israelita, ex semine Abraham, de tribu Benjamin. Et sicut Benjamin inter filios Jacob fuit nativitate ultimus, ita Paulus inter Christi discipulos conversione et vocatione fuit novissimus³⁴. Cumque alii super doctrina Christi per incrementum virtutum usque ad virilem statum animi profecissent, iste adhuc in fide novus et quasi adolescentulus erat. Unde et se abortivum inter ceteros vocat. Raptus autem usque ad tertium cœlum in mentis excessu ineffabilia Dei contemplabatur, arcana³⁵, moramque suæ vocationis, et temporis dispendium, magnitudine revelationum et multiplicato prædicationis fructu redimit et compensat. Lu-

¹⁰ Psal. 61. ¹¹ Psal. 85. ¹² Jer. 15. ¹³ Jer. 51. ¹⁴ Matth. 5. ¹⁵ Act. 9. ¹⁶ Exod. 20. ¹⁷ Act. 9. ¹⁸ Gal. 2. ¹⁹ Act. 9. ²⁰ Lue. 2. ²¹ Act. 9. ²² Jer. 4. ²³ Psal. 2. ²⁴ Act. 9. ²⁵ Psal. 92. ²⁶ II Cor. 11. ²⁷ Psal. 67. ²⁸ Gen. 48. ²⁹ Cap. 11. ³⁰ I Cor. 15. ³¹ II Cor. 12.

pus vero rapax mane comedens prædam vespere dividit spolia, dum in ætate primæva quasi circa mane suæ vitæ gregem Dominicum persecutus in vespéra suæ conversionis ad Dominum spolia diabolο exempta dividit, atque diversa officia in Ecclesia Dei distribuens sponsam Christi varietatibus decoravit. Sequitur :

*Et abiit Ananias, et introivit in domum, et impo-nens ei manus, dixit, etc. Et confestim ceciderunt ab oculis ejus tanquam squamae, et visum recepit ³⁶. Haec sunt squamae Behemoth, de quibus in Job legitur ³⁷, quia una uni conjungitur, nec spiraculum vi-tæ incedit per eas. Haec sunt illecebræ sacerulares et colligationes impietatis, quæ per manus impositionem flatu Spiritus sancti dissolvuntur. Recepit ita-que visum, qui paulo ante ambulabat in tenebris; et pane cœlesti resicitur daturus esurientibus panem vitæ : insuper et divini sementem verbi dispersurus in gentes, et uberrimos fidei manipulos collecturus. Et surgens baptizatus est ³⁸. Exsurgens de pulvere vanitatis et de luto peccati in aquis sanctificatis ve-terem exuit hominem, atque juxta verbum prophete-te, *Aethiops nigredinem suam, et pardus varietates**

³⁶ Act. 9. ³⁷ Cap. 41. ³⁸ Act. 9. ³⁹ Jer. 13. ⁴⁰ Psal. 147.

*A suns in baptismō deponit ⁴⁰. Et continuo ingressus in synagogas, prædicabat Jesum, quoniam hic est Fi-lius Dei ⁴¹. Digitus Dei, qui scripsit in cordibus hominum legem vitæ, pigritare non novit, unde et super apostolos *factus est repente de cœlo sonus* ⁴², et Saulus vas electionis continuo suavitatem odoris effudit. Saulus autem multo magis convalescebat et confundebat Judæos qui habitabant Damasci, affir-mans quoniam hic est Christus. De Filio Dei con-stanter affirmat quia hic est Christus, qui Jesum Dei Filium paulo ante pertinaciter abnegabat. Sic Dominus ex Basan convertit in profundum maris ⁴³; sic suscitat de lapidibus filios Abrahe ⁴⁴, mittitque crystallum suam sicut buccellas ⁴⁵, dum dispersionis et infidelitatis frigore congelati et obduri in per-tinacia sua non solum vocantur ad fidem, sed et sunt ministri verbi Dei. Sic Paulum olim perseceu-torem non solum ad fidem Dominus vocat, sed apo-stolum et doctorem gentium facit ad dandam scien-tiam salutis plebi suæ, et ad revelationem gloriæ Domini nostri, cui est honor et gloria in sœcula sœ-culorum. Amen.*

⁴⁰ Act. 9. ⁴¹ Act. 2. ⁴² Psal. 67. ⁴³ Matth. 3.

COMPENDIUM IN JOB.

AD HENRICUM II ILLUSTRISSIMUM ANGLORUM REGEM.

HENRICO Dei gratia Anglorum illustrissimo regi, se-duci Normanniae et Aquitaniæ, et comiti Andega-vensi, suus PETRUS Blesensis Bathoniensis archidiaconus in vero salutari salutem.

Gratias ago gratiæ largitor, quia grataanter audi-tis quæ ædificant ad salutem; dumque curialium sollicitudinum frixoria et intricatos negotiorum la-byrinthos evaditis, libenter meditamini in lege Do-mini, et de diurnis laboribus in lectione sacré pa-ginæ respiratis. Gloriosum siquidem est in principe, quotidianos actus suos, et ab eo incipere, et finire in eo qui est principium et finis ⁴⁶; qui est princi-pium sine principio, et judicat fines terræ. Præ-pistis mihi ut ad similitudinem illorum tracta-tuum, quos feceram de transfiguratione Domini et de conversione beati Pauli, vitam sancti Job sum-matim, et sub quodam compendio delibarem, ea-duntaxat intersetens, quæ ad patientiam et cæ-te-ras virtutes vos plenius informarent ⁴⁷. Hoc sane existimo cordi vestro divinitus instillatum (cor enim regis in manu Dei est, et quocunque voluerit, verit illud ⁴⁷) ut vitam sancti Job, et aliorum ve-terum Patrum libenter velitis deducere ante oculos

C mentis vestræ, quatenus eruditiri possitis in eis, se-cundum quod Dominus præcepit per Prophetam : *Eridimini, qui judicatis terram* ⁴⁸. Exemplo siqui-dem talium confirmatur fides, spes erigitur, nutritur charitas, deprimitur superbia, humilitas custo-ditur, augetur devotio, et bene operandi desiderium excitatur. Hinc est, quod nomina Oliorum Israel scribi fecit Dominus in rationali judicii, ut omnibus apparerent ⁴⁹, et vitam atque conversationem sanctorum Patrum cæteri sibi traherent in consequen-tiam et exemplum. Opus itaque arduum, et sarcina-nam aggredior magnæ molis : *Non quod sufficientes simus, sicut dicit Apostolus, cogitare aliiquid a nobis, quasi ex nobis; sed sufficientia nostra a Deo est* ⁵⁰, ab eo qui dicit : *Aperi os tuum, et ego implebo illud* ⁵¹. Et iterum : *Cum steteritis ante reges et præsides, nolite cogitare quid aut. qualiter res; on-deatis; dabitur enim vobis in illa hora quid loqua-minis* ⁵².

Incipiam ergo in ipsius benedictio nomine, qui est benedictus in sœcula, magniscentiæ vestræ suppli-cans humiliiter et obnixe, ut exhortationem devo-tissimi servi vestri cum patientia sustinere velitis,

⁴⁶ Apoc. 1. ⁴⁷ Prov. 21. ⁴⁸ Psal. 2. ⁴⁹ Ibid. ⁵⁰ Exod. 28. ⁵¹ II Cor. 3. ⁵² Psal. 80. ⁵³ Matth. 10.